

Universitätsbibliothek Paderborn

Antidota Evangelica Contra Horvm Temporvm Hæreses

In Qvibvs Quatuor Euangeliorum illi textus explicantur, quibus vel hæretici
hodie (maximè Caluinus & Beza) ad sua dogmata propugnanda vti solent,
vel ad hæreticorum dogmata impugnanda Catholici vti possunt

Antidotorvm Evangelicorvm D. Thomæ Stapletoni, S. Theol. Doctoris, & in
Academica Louaniensi S. Script. Professoris Regij, Pars Altera - In
Sacrosanctum Euangeliū secundūm Ioannem

Stapleton, Thomas

Lvgdvni, 1595

Et Verbum erat apud Deum.

urn:nbn:de:hbz:466:1-39480

daicam pro **תְּהִרְתָּה** sapissime positam, promissum à Deo semen seu Messiam significare. Cæterum in Ioanne Syro, non illa vox legitur, sed **מֶלֶךְ**, quæ semper in nouo testamento respondet verbo **λόγος**. Ita dum aliquid singulariter sapere Beza vult, non nisi suam prodit insipientiam, ne dicam impietatem: quia non in principio erat Messias aut semen illud promissum, quod post multa secula in plenitudine temporis venit, sed in principio erat ὁ λόγος, verbum Gen.3:15Pattis. Sed & ipsa seminis promissio non fuit in principio, sed post hominis lapsum. Cur autem Ioannes potius dixit, *Verbum quam Filius*, 4. causas assignat Basilius. Prima est, ut filium Dei ex mente Patris productum intelligamus, & hæc est præcipua & propria: quam etiam assignat Cyrilus Thesaur.lib.7.cap.1. & Gregor.Nazianz.orat.4. Theolog. & August.de Trinit.lib.7.cap.1. Secunda causa est, ut significetur filium Dei sine motu processisse. Tertia, quia imago est genitoris totum in se monstrans genitorem, sicut verbum nostrum totius cogitationis nostræ imaginem refert. Quarta est, ut consubstantialis Patri ostendatur. Verbum enim interius loquens (de quo hic agitur) manet intra ipsam mentem producentem.

I. *Et verbum erat apud Deum.*

QUINTVS admirabilia hæc breuissima sententia notat. Primo non fuisse Verbum transiens, sed cum Deo permanens, era: enim ab æterno apud Deum. Sic notat S. Hilar. lib.2.de Trinit. Secundo quod hoc verbū erat intra Dei substantiam, & ipsam eius natura. Nihil enim apud Deum & Deo coæternum quod non ipse sit Deus. Sic Epiphan. colligit hæc. 93. Tertiò quod sic distincta persona, Nemo enim recte apud esse dicitur. Declarat hoc pulchre D. Basil. in homilia Homil 16aduersus Præxeam. Etsi (inquit) Deus verbum, tamen non Deus apud verbum, sed verbum apud Deum: quia ex Deo Deus, &c. ex Patre Filius. Vbi & noua Caluini hæresis refellitur, qui Filium, quatenus Deus est, ex seipso esse, sublatu personæ respectu, erranter affimat. Quinto & qualitas verbi cum Deo demonstratur, ut docet Gregor. Nyssenus homil. de fide, *Apud Deum significat quod nihil deficit Filio in comparatione Patris*. Si enim aliqua perfectio verbo deficeret, non vere diceretur esse apud Deum.